

Headline	JanaNiaga bantu aliran tunai PKS		
MediaTitle	Utusan Malaysia		
Date	11 Nov 2020	Color	Full Color
Section	Ekonomi	Circulation	107,609
Page No	35	Readership	322,827
Language	Malay	ArticleSize	402 cm ²
Journalist	KUSYAFIQUKU FOZI	AdValue	RM 16,502
Frequency	Daily	PR Value	RM 49,505



JanaNiaga bantu aliran tunai PKS



EXIM Bank akan bekerjasama dengan Petronas dan Telekom Malaysia bagi menggerakkan JanaNiaga untuk membantu masalah aliran tunai perusahaan kecil dan sederhana. - GAMBAR HIASAN

Oleh **KU SYAFIQ KU FOZI**
kusyafiq.fozi@mediamula.com.my

KUALA LUMPUR: Pengenalan platform pembayaran digital rantaian bekalan nasional yang dinamakan sebagai JanaNiaga melalui Belanjawan 2021 akan membantu perusahaan kecil dan sederhana (PKS) menangani masalah aliran tunai yang dihadapi sebelum ini.

Platform yang akan diterajui oleh Export-Import Bank Of Malaysia Berhad (EXIM Bank) itu akan menyokong kedudukan kewangan PKS yang membekalkan produk kepada kerajaan atau syarikat milik kerajaan (GLC).

Menurut Pengerusi EXIM Bank, Datuk Dr. Feizal Mustapha, platform tersebut akan membantu PKS meneruskan operasi tanpa mengganggu kemampuannya untuk terus membekalkan produk kepada pelanggan.

"EXIM Bank berterima kasih kepada kerajaan atas peluang yang diberikan untuk menera-

ju akses kepada inisiatif pembiayaan melalui platform JanaNiaga dalam memastikan PKS dapat beroperasi dengan baik," katanya dalam kenyataan di sini semalam.

Inisiatif tersebut dimumkan Menteri Kewangan, Tengku Datuk Seri Zafrul Tengku Abdul Aziz ketika membentangkan Belanjawan 2021 Jumaat lalu.

Tambah beliau, inisiatif itu akan diterajui EXIM Bank dengan pembabitian beberapa institusi kewangan dan RM300 juta akan disediakan EXIM Bank untuk menggerakkannya.

Mengulas lanjut, Feizal berkata, untuk permulaan EXIM Bank akan bekerjasama dengan Petronas dan Telekom Malaysia bagi menggerakkan JanaNiaga.

"Ia akan diperluaskan kepada GLC lain, kementerian dan agensi kerajaan pada masa hadapan.

"Rangka kerja platform tersebut bersama dengan perincian operasinya akan diumumkan dalam masa terdekat," katanya.